

東昇峽

腰我山形蹤百里漫無垠峭壁連三邑薛葉千星辰
潏然出此峽游龍忽縮菌纖腰挺瘦勁草帶相糾紉
滄興磅礴氣約束鎖重關大造有舒歛奈何縱此身
看花臺

凜凜衝寒境名花披谷繁金蓮稱異卉天淵蔚飛翻
峯巒如浪逐錦色隨巖奔東峯日出岫忽聳臺榭尊
登臨蹤預盼日照羣芳暄拈花一微笑胸無沙土痕
每憶游縣圃對此即崑崙博望不能到乘槎何處尋

清凉石

晉北最知名五臺清凉石蘆芽佔屈竒興阻無人造
石以清凉名橫空山崖幕廣平數百丈若目五臺窄
大小天澗中扶輿展瑶席浩浩垠崖寬磅礴舒鬱瀉
旁羅恢惋狀世界都陳迹毋怪不知名所居本自僻

石硤

西北有高樓上構懸崖石亭亭聳浮空裊裊澗中幕
諸峯相盤紆第鬱樓居閒仰望一縷繫滑石相批攃
萬壑波濤奔垠崖若翻圻何得空中樓上峙若安宅

壯懷一躋攀，訝然綴峭壁。揆奇不覺險，尤其明月夕。
五龍洞

山勢多奇觀，石洞尤溪邃。杳然不可極，望之心怖悸。
傳是神龍居，形跡猶恣肆。風雨噴薄奇，陰陽渾成晦。
層冰千年牢，積雪間翠黛。洞口古松斜，白雲常靉靆。
九桃梯

劈峯挿雲霄，犖确無茫徑。造物施神巧，巖薜成雲磴。
山腹剝藩級，嵌空斫石鄰。援崖歷次上，排風御氣暝。
聳身近帝闕，俯視何曾磴。斷岸杵臼形，溪溝峭千仞。

途窮且思反祗以增悔吝吾得通天犀飛鞋疾足迅
因悟人間世階梯信可凭

荷葉坪即蘆茅支山在縣西南六十里壯麓在縣南
二十里四面崇峻其頂平夷形似荷葉郡志元末四
大王操兵於此

荷葉坪賦

秦雄褒

惟造物之賦形靡定斯山阜之結體各殊蘆茅既崇
高礧夫流宜倂屈崎嶇乃支甫分而莊嚴盡別脉
石出而氣象忽渝正履峻嶒嶒嶒之岌岌忽視碧池

倚葉之田田不因剗而成坦豈緣削而為圓仰焉如
孟儘容角鹿之逐覆焉如蓋何妨宿鷺之眠第其稟
性堅凝不被狂風吹折成形流麗何殊綠水涵浮莖
托扶輿而磅礴葉成磊石而蔭庥既踐居山之獸復
驚飛水之鷗巍哉接乎大麓飄搖如立中洲爾廼山
精怯遁江妃頽笑高荷正敷綠葉吐耀杉松巨木映
如菁藻蘄巖積石盤成池沼岑峯則山岳齊觀平廣
與清溪並灝兩露之潤珠未凝脂日月之垂圓如魄
皓東控天池之靜西蓄清漣之濤漾芰荷於中流更

離奇而夭矯處春夏繁麗增華歷秋冬嚴霜不槁千
秋萬歲常如荷葉之擎僊子凌波應嘆巨靈之造
碓雲洞在蘆芽山側石室天成

碓雲洞賦

秦雄褒

誰尋蓬瀛之島妄思縣圃之區即域中之常境而其
異者乃縹緲特殊晉北名山巉巖峻拔擁衛中隅從
未有蘆芽之恢怪闢山阜之所無其巔也青雲交錯
其旁也怪石聳牙經亘遼遠疑正踈斜各極其狀探
之轉除乃俄而石鱗以櫛中隙成衍上棟下宇若作

室家誰運斧斤之巧乃作雲物之窩戶牖煖然而疊
出石穴颺忽而生霞如陳五色之錦如集異卉之葩
望之儼然即之無質或淡淡而漸疎或油油而遂密
當旦則旭日並升薄暮則孤烟齊濕霽景則岩岫俱
鮮雨出則峯巒皆黑貫四時而皆有其形一瞬息而
各呈其色爾其變幻無端豈是兩物相擊堂隍驟湧
若似衆空齊拂無意而入無心而出隨風伯兮聚散
遇雨師兮渾沸上於天而需待舒徐始交雷而屯難
勃鬱凡茲變態之無常皆由茲洞之淡泊其究也萬

端無碍色相成室不有其始安有其終千秋萬歲一
息貫通狗財狗名繼屬賢蒙貪夫烈士誰者為雄坐
茲洞以終日覺大造之為功凡世事之膠葛皆物欲
之相攻經追鑿而愈漓益緘滕而困窮洞嵌空而不
滯雲出沒以雍容悟靈無之不有躡二氏之元蹤乃
歎曰白雲飛兮滿山飛羶奔屬兮有誰攀冉冉洞中
兮形之幻不為物役兮心自閒

東雪山在縣東南二十五里上下雙泉湧出西雪山
在縣西南二十五里皆蘆芽之支

游東雪山

邑人

李炳

東山突兀白雲飛古寺清幽客到稀
澗湧松濤留宿凍壁懸瀑布散晴暉
牧樵妬雨吹林火鐘磬隨風出翠微
幾度登臨渾不厭漫從野衲問禪機

東雪山記

秦雄褒

縣南五里入鎮口皆崇山土人統名曰南山由鎮口而東行二十里山峯特起高昂蟠互中裹小寺即俗所云馬家寺也有泉潄然交流寺外奇石橫皴阿藏積雪盛暑不消如翠如黛喬柯數樹春夏枝葉若脫

寺前橫石卷起若梁過梁即不見寺陡起峭壁呀然
北向勢若覆梁由東南而盤折直至寺西壯乃竟下
即深澗峭削直下約二百丈有餘清漣水流其下水
聲潺潺與風聲相應皆成異響此南山至幽至邃之
境也惜土人不能有游之者自余嗜其泉鑿石穴以
聚公餘即往烹泉而山始有徑憩寺中直不知世界
更有炎熱地道家所謂洞天福地者是耶非耶噫物
固有數千百年來人皆揮臂不顧而一人獨加賞識
者乎或曰唐鄧國公常登此不見史籍無可信然以

茲山之幽邃倘鄴國公見之當必流連不已也

西雪山記

余嘗謂吳越諸山多以秀麗勝雁門諸山多以奇峭勝東雪山西行越深溝歷長澗踰高嶺涉危石約十餘里有山陡絕特怒忽如熊羆虎豹之走躍與東雪山為對峙此西雪山也兩山迴別而東山以幽西山以奇其大石盤立峯巒排列一氣直達有不可窮極之勢其巍峻崇隆石壁峭險較東山倍又竟無緣攀躋山麓多亂石偃仰無駐足所且溝壑直削而下不可

踰余嘗因土人尋其徑不可得一日因公自甯化歸途
過山麓春景澄鮮顧西山而樂遂下馬用杖扶將越
溝而西行二三里清漣水斗折激石清徹遠揚興益
壯遂援石而登一望無垠蘆芽之聳翠參天若
若翔近在咫尺九數百里之山明滅可見皆有環而拱
之勢蘆芽若吸數百里諸山而統其勢茲山又若吸
南山諸山而統其勢大小之相附同若是乎山巔
絕無坦石可建房屋數步即一奇峯若江海驚天
之浪變動眩目而積雪之皦白披諸峯而益耀其

光可以滌塵氣可以忘俗慮風動氣寒不能久留尋
山巔而下數十丈兩峯若闕中有石洞望之杳然以
石投之聲振岩谷洞口石壁頗平竟若人工剝削記
之乃下日已蒼然暮矣

南峯臺在縣東南五里有古剎北峯臺在縣東北五
里上有岳廟乾隆十六年建蘆芽山神廟

南峯臺

知縣余克長

閨苑山通鹿苑西峯峯古剎隱前溪連河北瀉千年水
錦帳東環萬仞梯虹映晚霞天路近雲西古澗城垣低

遙看雨後晴川色紅杏香風送馬蹄

北峯臺

黃閼中

聯鑣出東郭數里白雲通紺宇簇層巒一聲鐘破空
上上最高臺陽浦杏花紅

南山在縣南五里亦蘆芽之文自蘆芽起脈一路蜿蜒
歷店坪村觀音殿壯窩村至薛家口而止

南山

余克長

層巒聳翠矗蒼霄梁竦長城紫塞雄萬室星羅一
望裏千山屏列五雲中遙株掛日知天近遠水依霞印

月空共喜前峯為錦嶂阜財解愠樂薰風

風洞岨

在南山

秦雄褒

徑轉山峯落石龕潛洞天一穴波濤湧百隈江海漩
撓疾噫天地震動盪山川魑魅挾物走豺虎逞怒喧
大木撐地拔嘉禾沒沙眠願携大磐石洞口塞狂顛
邊荒寒苦久陽和一轉旋

馬蹄山在縣東北三十五里傳為敬德遺跡

馬蹄山

奇嵐收

朱汝琳

鄂公今已矣龍媒何處藏山頭尋馬跡想見戰堂堂

日暮悲風多精靈來大荒

清澗河源出縣南六十里蘆芽山有蘆芽北流二十
里至縣之店坪村經南山下又北流三十五里至薄
家口流分爲二其一東北流至縣之小武州而止其
一北流五里經縣城南折而東一里至泉關外自東
而北順流六十里至三岔堡折而西流六十里入河
曲縣與河曲沙泉水合流八十里經保德州北花園
子入於河凡行三百一十三里

清澗河賦

袁維袁

惟蘆芽之唼唼跨恒霍而爲雄濬泉源於山脈發清
流而流通經紫峯野徐委折關天澗窮窅冲湫紙塵
卷屏萬象澄空爾其自高而下百折不回山巖廣垠
在水之湄望北流而逶迤入店坪之通達隨南山之
組織流與阻以淪漪石壅則波濤洶湧坎窞則潢漾
澄滋環西山薛巖繞東峽嵎峽出白鎮口奔馳噴瀑
合流神武灝衍委蛇下平原如擲梭漑園圃若干渴
潤萋萋之織草䟽浩浩之洪河圖金湯之三面盤石
嘴之二馳我疆我里觸處生波我黍我稷滋液成窠